

**ORDENANZA FISCAL nº 32,**

**REGULADORA DA TAXA POLO APROVEITAMENTO DO DOMINIO PÚBLICO LOCAL  
MEDIANTE CAIXEIROS AUTOMÁTICOS DE ENTIDADES FINANCIERAS E MÁQUINAS  
EXPENDEDORAS DE PRODUTOS INSTALADAS NA FACHADA DE ESTABLECEMENTOS E  
MANIPULABLES DESDE A VÍA PÚBLICA**

**Artigo 1º. FUNDAMENTO E NATUREZA**

En uso das facultades concedidas polos artigos 133.2 e 142 da Constitución e polo artigo 106 da Lei 7/85 de 2 de abril, reguladora das Bases de Réxime Local e de conformidade co previsto nos artigos 20 e 57 do Texto refundido da Lei Reguladora das Facendas Locais, aprobado por Real Decreto Lexislativo 2/2004, de 5 de marzo, este Concello establece a taxa polo aproveitamento especial do dominio público local mediante caixeiros automáticos de entidades financeiras e máquinas expendedoras de produtos, instalados na fachada de establecementos e manipulables desde a vía pública.

**Artigo 2º. FEITO IMPOÑIBLE**

Constitúe o feito imponible da Taxa o aproveitamento especial do dominio público con caixeiros automáticos de que se serven as entidades financeiras para prestar os seus servizos e con máquinas expendedoras de produtos que sexan instalados na fachada de establecementos e que poidan manipularse desde a vía pública.

Esta taxa é independente e compatible con calquera outra exacción que poida gravar a instalación ou utilización deste tipo de instalacións.

**Artigo 3º. SUXEITO PASIVO**

Son suxeitos pasivos desta Taxa as persoas físicas ou xurídicas e as entidades que se sinalan no artigo 35.4 da Lei 58/2003, de 17 de decembro, Xeral tributaria, a cuio favor se outorguen as autorizacións ou quen se beneficie do aproveitamento, si se procedeu sen a oportuna autorización e, en calquera caso, a entidade titular do caixeiro automático ou a entidade que explote a instalación, e se non é identificable, o distribuidor do produto vendido.

Terán a condición de substitutos do contribuínte os propietarios dos edificios ou locais onde se coloquen os aparellos ou máquinas obxecto desta Taxa.

**Artigo 4º. RESPONSABLES**

Serán responsables solidarios e subsidiarios da débeda tributaria as persoas físicas e xurídicas citadas nos artigos 42 e 43 da Lei 58/2003, de 17 de decembro, Xeral Tributaria.

**Artigo 5º. EXENCIÓNS E BONIFICACIÓNS**

Non se recoñecerá exención nin bonificación algunha nos importes das cotas tributarias reguladas na presente ordenanza.

**Artigo 6º. TARIFA**

A contía das taxas reguladas nesta Ordenanza será:

Por unidade de caixeiro automático ou máquina expendedora ó ano: 130 €

**Artigo 7º. PERÍODO IMPOSITIVO E DEVENGO**

O período impositivo comprenderá o ano natural, salvo nos supostos de inicio ou cese do aproveitamento especial, en cuio caso, o período impositivo axustarase a esta circunstancia co conseguinte prorrateo da cota, calculándose as tarifas proporcionalmente ao número de trimestres naturais que resten para finalizar o ano, incluído o de comezo do aproveitamento especial. Asimesmo e, en caso de baixa por cese no aproveitamento, as tarifas serán prorrateables por trimestres naturais, incluído aquel no que se produza dicho cese. A tal fin, os suxeitos pasivos poderán solicitar a devolución da parte da cota correspondente aos trimestres naturais nos que non se producira o aproveitamento citado.



A taxa devéngase e nace a obriga de contribuír cando se trate de aproveitamentos xa autorizados e, en tanto non se solicite a súa baixa, por anos naturais, o primeiro día do período impositivo. Cando se trate de novos aproveitamentos, a taxa devéngase e nace a obriga de contribuír no momento de outorgamento da correspondente autorización administrativa ou, no seu defecto, desde o mesmo o momento en que se realice materialmente o aproveitamento real e efectivo.

### **Artigo 8º. NORMAS DE XESTIÓN**

As persoas ou entidades interesadas na concesión de aproveitamentos regulados por esta Ordenanza deberán solicitar previamente a correspondente licenza para a súa instalación, de conformidade co previsto no artigo 43 da Ordenanza municipal reguladora da utilización temporal da vía pública de xeito temporal mediante terrazas de hostalería, máquinas automáticas expendedoras e instalacións desmontables (BOP núm. 24, do 31/01/2005). A solicitude, que se deberá formular por rexistro, deberá xuntarse a seguinte documentación:

- a) A licenza de actividade e funcionamento do establecemento.
- b) Un plano a escala ou croquis de situación, onde se indique a ubicación da máquina expendedora ou caixeiro automático.
- c) Unha memoria explicativa na que indique a natureza da maquinaria e a necesidade da súa colocación, así como a previsión da intensidade de uso que vai provocar na vía pública.

Os servizos técnicos deste Concello comprobarán as declaracións formuladas polos interesados, outorgándose as autorizacións cando proceda.

Unha vez concedida a licenza ou cando se proceda ao aproveitamento sen outorgarse aquela, o Concello xirará a liquidación tributaria que corresponda, prorrateándose o seu importe por trimestres naturais, incluído o de alta, sen que este feito presupoña a concesión de licenza algunha. Unha vez notificada a liquidación inicial de inclusión no Padrón, os recibos seguintes notificaranse mediante edictos colectivos, cobrándose anualmente polo sistema establecido polo Concello para os tributos de cobro periódico por recibo, no prazo comprendido entre o 1 de marzo e o 30 de abril de cada ano, ambos inclusive. Así o Padrón estará constituído por todos os caixeiros e máquinas expendedoras sometidos a tributación o 1 de xaneiro de cada ano mediante esta taxa e que foran declarados ou incluídos de oficio polo Servizo de Xestión Tributaria do Concello.

O aproveitamento entenderase prorrogado en tanto non se presente a baixa debidamente xustificada polo interesado. A tal fin os suxeitos pasivos deberán solicitar a oportuna declaración no prazo de quince días hábiles contados a partir do seguinte a aquel en que se retire e terá efectos a partires do primeiro día do trimestre natural seguinte ao da efectiva retirada do caixeiro automático ou máquina expendedora.

Sexa cal sexa a causa que se alegue en contrario, a non presentación da baixa coas especificacións anteriores, determinará a obriga de continuar abonando a taxa.

Cando se produza un aproveitamento suxeito a esta taxa sen a preceptiva autorización municipal previa ou sen a oportuna declaración de alta, sen prexuízo das medidas que resulten procedentes en exercicio das facultades demaniais e potestades administrativas do Concello, e imposición das sancións que resulten procedentes; iniciárase o expediente regularizador que corresponda, practicándose a liquidación pertinente. A regularización do aproveitamento, cando sexa procedente, requirirá o pago da liquidación practicada, sen prexuízo das demais medidas que resulten pertinentes.

### **DISPOSICIÓN FINAL**

A presente ordenanza entrará en vigor a partir da publicación no B.O.P., permanecendo en vigor ata a súa modificación ou derogación expresa.

### **DILIXENCIA**

Faise constar que a presente ordenanza foi aprobada provisionalmente polo Concello Pleno, en sesión celebrada o día 25 de setembro do 2014, publicándose o seu texto íntegro no B.O.P. nº 240 de data 16 de decembro do 2014.